



UNIVERSITÄTS-  
BIBLIOTHEK  
PADERBORN

**De Rebvs Iaponicis// Historica// Relatio,**

**Froís, Luís**

**Moguntiae, 1599**

**VD16 F 3085**

Residentia Focamensis.

---

[urn:nbn:de:hbz:466:1-64472](#)

## 236 HISTORICA RELATIO DE

ad prædicandum vxori suæ & toti familiæ: hac occasione confidere se multos alios ad Christum venturos. Rebus ergo compositis, hic nobilis fratrem reuocauit, qui absolutis suis concionibus, 160. adulatos, cum prius tantum essent nonaginta, tradidit Patri baptizandos. Gentiles quidam qui sermoni præsto erant, cum Icoscij tumultum illum excitarent, fratrem iam discessum parantem rogarunt ut ipsorum puerulos saltem baptizaret, se breui eorum exemplum secuturos.

Christianus inops, cui olim & ampli redditus, & copiosa suppeditabat seruitia, rogatus est ab homine locuplete, si sibi filiam suam prostituendam dare velit, se illi affatim commeatus ad vitam sustentandam ministraturum. Quid faceret bonus vir? Clam cū filia confessim discedit, adit Patrem nō longe remotum, obsecrat, vt filiam suam nuptui collocet potius cum vilissimo pescatore, quam vt in laqueos diaboli se induat. Verum viri diuina prouidentia nunquam deserit timentes se, paucis post diebus nobilis quidam diues filio suo eam in vxorem postulavit: & nunc ambo in sancto matrimonio vitam piam ducunt.

RESIDENTIA FO-  
camensis.

**E**T hæc sedes Patrem unum & fratrem habet. Quorum studio confessi sunt homines bis milie, communicarunt 310. baptizati item multi. Christiani his locis valde abhorret à criminibus; maximè carnalibus, & rogati, fere respondent in hæc verba: Pater, à quo tempore mihi aditum dedisti ad sacram mensam, non amplius relabor in ista vita.  
Pluri-

Plurimum in eam rem eis prodest B. Virginis Solidalitum, cuius ope rectius memorię insculpunt consuetas orationes. Sexagenarius quidam conscientius à se postero die exigendum orationum pensum, non ante voluit cibum sumere, quam pensum persoluisset. Pueruli quinquennes vel sexennies, dum in æde sacra vident à fæminis iuxta ac viris repeti, quæ duo pueri docuere, domum reuersi per vias inter æquales vicatim recitant orationes & alia. ita factum est, ut plerique omnes, qui nondum septimum attigere annum, & orationes & capitula decem tam promptè reddant, ut aliorum possint esse Doctores.

Tonus loci cuiusdam iussit omnes suos ad Ecclesiā signo sonoro euocari, & si cunctantius accurrerent post concionem iam inchoatam, repellebat eos, dicens, ob negligentiam sancta doctrina indignos: quo studio effecit, ut omnes tempestiuè deinceps adessent.

Christiano cuidam petenti calculum benedictum Pater negauit, quod sacram ædem non frequentaret: cumq; ab eodem rogaret, num teneret, orationes: respondit, non, sed se statim memoriarum mandaturum. Sic fecit, & post triduum reuersus, è memoria recitauit. Erat hic homo de utroq; mutilus, nec nisi genuum manuumq; opera progredi poterat, & tamen ad obtinendum vnum globulum piacularem non dubitauit per arduum asperumq; montem, ad magnæ leucæ interuallum hoc prorepere.

Octogenarius senex apud suos in pretio, cum in morbum incidisset, & facile posset euocare aliquem Patrem, tamen maluit per consanguineum suum indicare Patri ob incommoda longioris viæ se noluisse

Q s cum

eum euocare. itaq; ipse æger se in viam dat, vt querat Patrem confessionis facienda causa, ac tandem tertio die ad eum peruenit & à peccatis absolutus est.

Similiter & mulier vterum gerens huc illucq; discurrens per dies tres vt copiam Patri<sup>s</sup> habere possit, tandem in quendam incidit, & sorres animi sui detersit. Alia exigua sua villa derelicta, in aliam ditionem, dum iter haberet, ad audiendam ibi rem diuinam, sensit se à serpente icstam, & tamen iter prosecuta est, sacram ædē ingressa Missam concionemq;, nullo signo, vel vultu, vel voce doloris, quem tamen senserat acerrimum, dabo, audiuit. Ea finita Patri humiliter reuerenterq; totam rem patefacit. Pater mox antidotum adhiberi iubet, ilicet mulier sanatur, & lata consolatione que plena ad suos reddit.

*R E S I D E N T I A V C H I -  
mensis.*

**P**os*t* institutam sodalitatem, Vchimenses Christiani, qui versantur in ditione Domini Sancij O<sup>m</sup>urani, tantum in pietate Christiana profecere, ut suopte nutu, à nullo impulsi, excitarint ædem sacram amplissimā, in qua quoties redeunt à pescatione margaritarum, semper aliquas Beatis. Virgini offerunt. Quorum simplicitatem, sincerumque pedis respiciens benignissima mater, non definit etiam eorum necessitatibus succurrere.

In his regionibus imbrium copia admodum exundant flumina. Vnde hoc anno quoddā ripas suas magno furore egressum omnes gentilium domos ligneas, quæ proximè ripam constructæ erant, abripuit in mare,